



Musicus

Onderwägs dor s'Läbe

Songtext «Zöri Chlote»

Refrain: Autokrate ond Deschpote landid gärn in Zöri Chlote,
Oligarche ond Magnate brengid Cash ond fetti Rate.

Strophe: I üsem Land do sends wellkomme, Bond ond Banke ribed d'Händ.
Niemer schtellt do blödi Froge, solange si gnüegend Chöle hend.
De roti Teppesch dä wird grollet, vo guete Gschäft gärn profitiert.
Wevell Bluet am Zaschter chläbt esch öppis, wo ned enträssiert.

Refrain & Instrumental-Part

Strophe: Em Pelz i schwarze Limousine gohd's von Sankt Moritz a See be Gänf.
D'Demokratie wird det versänkt, ond hämisch ged zom Cüpli no grad
jede sine Sänf.
Dass deheim i ehrne Länder, wenn eine d'Wohrheit seid voll Muet,
är grad i Knascht chond oder schlemmer, enträssiert en alte Huet.

Refrain & Instrumental-Part

Strophe: De Wüeschteprenz lohd Blogger peitsche, well si en Gsellchaftsfrog
hend gschteilt.
E Journi gmordet ond verschtöcklet – s'ged halt vell Schlächts i dere Wält.
De Prenz, dä brucht au rächti Waffe, om z'Jeme s'Volk z'eliminiere.
Die ged ehm d'Schwiz ond gohd z'Davos in Fröndschaft met ehm go diniere.

Refrain & Originalton öffentliche Medienkonferenz Weltwirtschaftsforum WEF in Davos

Strophe: De Überfall of d'Ukraine – en krassi Orgie vo Gwalt.
Tod ond Folter ond Zerschtörig ond vell verschleppti Chend: das lohd
die z'Bärn so zemlech chalt.
De Chrieg wird zahlt us Milliarde us Zoger Rohschoff-Kapital.
S'Entsetze z'Butscha esch wit wäg, mer wend Profit, mer send neutral.

Refrain & Instrumental-Part
